

XX CONCURSO ESCOLAR DE teatro lido

"Xosé Manuel Eirís"



Organiza:



bases Coa finalidade de promover o teatro entre os rapaces e de favorecer a súa iniciación á interpretación dramática, a Asociación Cultural Telón e Aparte e o Concello de Carballo, organizadores do Festival Internacional Outono de Teatro de Carballo, coa colaboración do Grupo Voz convocan o **XX Concurso Escolar de Teatro Lido "Xosé Manuel Eirís"**, de acordo coas seguintes bases:

1.- OBXECTO

É obxecto do presente Concurso contribuir á iniciación na interpretación teatral a través da lectura dramatizada e á recuperación do formato radiofónico proporcionándolles aos grupos gañadores de rapaces e/ou rapazas dos colexios e asociacións de Bergantiños a experiencia en estudos profesionais de radio.

2.- PARTICIPANTES

Poderán participar neste Concurso os grupos de entre 2 e 8 rapaces e rapazas dos colexios, institutos e asociacións de Bergantiños que realicen a súa inscrición de acordo coas seguintes bases. Os grupos poden estar dirixidos por un/ha profesor/a ou monitor/a.

3.- TEXTO

Cada grupo seleccionará previamente o fragmento do texto teatral que desexe interpretar. **A representación deberá ter unha duración de entre 2 e 4 minutos**, e poderán ser descalificados os grupos que se excedan deste tempo. Os participantes poderán empregar os recursos sonoros que se consideren necesarios para que a dramatización do texto sexa realizado de maneira axeitada (efectos sonoros, música...).

A temática das obras será libre, sempre tendo en conta que **as obras están destinadas a tódolos públicos**.

4.- DESENVOLVEMENTO

-O responsable de cada grupo deberá **enviar a solicitude de inscrición** antes do 8 de outubro **ao enderezo electrónico fiot.teatro.lido@gmail.com**

-Antes do 14 de outubro deberá **enviar un arquivo de vídeo** (en formato horizontal, a ser posible en MP4) **coa gravación da lectura** dramatizada realizada polo grupo, xunto coa declaración de obtención e autorización de participación e uso da imaxe ao enderezo electrónico fiot.teatro.lido@gmail.com

Confirmaráselle a inscrición no concurso así como a recepción do vídeo por correo electrónico, de non recibir resposta comuníquese con nós no teléfono 981 704 300.

- Tras escoitar as gravacións o xurado seleccionará aos grupos finalistas que terán a oportunidade de gravar a lectura dramatizada nos estudos profesionais de Radio Voz, os responsables dos grupos finalistas serán avisados pola organización e posteriormente Radio Voz coordinará con eles a data en que deberán acudir ás súas instalacións, en función da dispoñibilidade das mesmas, sitas na rúa Gran Vía número 84 - 1º de Carballo, para realizar a lectura dramática do texto escollido.

-O xurado escoitará as gravacións realizadas polos finalistas en Radio Voz e fallará o concurso adxudicando os premios. Se a situación sanitaria o permite realizarase un acto de entrega de premios no Pazo da Cultura de Carballo onde os gañadores volverán a realizar a lectura do seu texto.

-Será requisito que os representantes de cada grupo declaren que obtiveron a autorización expresa da nai/pai ou titor/a legal de todos os integrantes do grupo autorizando a súa participación no concurso mediante a gravación do vídeo realizado así como o consentimento favorable á publicación do vídeo

presentado, autorizando a súa difusión a través das redes sociais/web da organización do Certame e a autorización da súa emisión pola radio. Así como o consentimento favorable á cesión, publicación e/ou divulgación dos dereitos de imaxe, incluída a voz. A utilización dos textos e/ou música deberá cumprir coa normativa dos dereitos de autoría e os participantes na convocatoria son responsables do seu cumprimento e exímese á organización deste certame de calquera responsabilidade ao respecto, incluído calquera conflito de publicación ou utilización das obras presentadas e dos que puidera derivarse. Os participantes ostentarán e cederán á organización do Certame os dereitos de comunicación pública de forma indefinida. Neste sentido, os autores renuncian a favor da Asociación Cultural Telón e Aparte a calquera tipo de remuneración polos seus dereitos de autoría. A difusión e /ou reprodución da obra no marco do concurso non poderá lesionar a terceiros asumindo persoalmente o/a autor/a calquera responsabilidade que puidera derivarse.

5.- CATEGORÍAS E PREMIOS

Establécense dúas categorías diferenciadas, unha de educación infantil e educación primaria, e outra de educación secundaria. A atribución a cada categoría realizarase en función dos estudos que cursen a maioría dos integrantes do grupo.

Para cada categoría haberá dous premios que consistirán en libros e material didáctico, por un importe das seguintes cantidades:

Premios patrocinados por Librería Brañas

1ª Categoría: (grupos de nenos e nenas de EI e de EP)

premio: 150 € | premio: 100 €

2ª Categoría: (grupos de nenos e nenas de ESO, bacharelato ou CF de grao medio) **premio: 150 € | premio: 100 €**

6.- PRAZO E LUGAR DE INSCRICIÓN

O prazo de presentación da solicitude de inscrición remata o 8 de outubro e o da presentación dos vídeos remata o 14 de outubro. A inscrición deberá realizarse no enderezo electrónico fiot.teatro.lido@gmail.com **Confirmaráselle a recepción e a súa inscrición no concurso por correo electrónico, de non recibir resposta comuníquese con nós** no teléfono 981 704 300.

7.- XURADO

O xurado estará composto por membros da AC Telón e Aparte, do Grupo Voz, e persoas vinculadas ao teatro e ao ensino designadas por estas entidades. A decisión do xurado será irrecorrible.


9.- A participación neste certame supón a plena aceptación das presentes bases.

10.- Calquera incidencia non prevista nesta convocatoria será resolta polo xurado.

11.-O desenvolvemento da actividade poderase ver modificado ou condicionado se a situación sanitaria ocasionada polo COVID 19 así o require.

Carballo, 1 de setembro de 2021

Patrocina:



Colabora:



FICHA DE INSCRICIÓN NO XX CONCURSO ESCOLAR DE TEATRO LIDO "XOSÉ MANUEL EIRÍS"

DATOS DO GRUPO

NOME DO GRUPO

Nº DE MEMBROS (excluíndo o/a director/a) CURSO ACADÉMICO E IDADES

CENTRO EDUCATIVO OU ASOCIATIVO AO QUE PERTENCEN

TELÉFONO DO CENTRO ENDEREZO ELECTRÓNICO

DIRECTOR/A DO GRUPO OU PERSOA DE CONTACTO

TELÉFONO ENDEREZO ELECTRÓNICO

NOMES DOS INTEGRANTES DO GRUPO / IDADE

1. CURSO/IDADE

2. CURSO/IDADE

3. CURSO/IDADE

4. CURSO/IDADE

5. CURSO/IDADE

6. CURSO/IDADE

7. CURSO/IDADE

8. CURSO/IDADE

DATOS DO FRAGMENTO DA OBRA COA QUE SE CONCURSA

TÍTULO

EXTENSIÓN DA REPRESENTACIÓN (DURACIÓN DO VÍDEO)

AUTOR DO TEXTO

OBSERVACIÓNS